



eqt





A R R E S T
D O N N E' P R O-
N O N C E' E T E X E C V T E'
PAR MONSIEVR LE PRESIDENT
de Mets, en vertu d'une Commission
particuliere de sa Majesté, à l'encontre
del'Euesque de Verdun, pour vn pre-
tendu Monitoire & Excommunica-
tion par luy faits à l'occasion de la Ci-
tadelle bastie audit Verdun.

*Ensemble le contenu dudit pretendu Moni-
toire & Excommunication.*



A P A R I S,

Chez IEAN MARTIN, au bout du Pont Saint
Michel proche le Chasteau Saint Ange.

M. DC. XXVII.

+

Case
F
39
.326

ARRÊT DONNÉ, PRO-

1627m
NOMME ET EXECUTE
PAR MONSIEUR LE PRESIDENT
de Metz en vertu d'une Commission
particulière de la Majesté, à l'encontre
de l'Escluse de Verdun, pour en pre-
rendre Monitoire & Excommunication
non par lui faite, & de la Ci-
vilité de l'Escluse de Verdun.

Esquels le contenu dudit arrêt a été
mis & exécuté.



A PARIS.

CHU JEAN MARTIN, au bout du Pont Neuf
Michel Goussier, Libraire, sans Avoir

M. DC. XXVII.



ARREST DONNE PAR
MONSIEUR LE PRESIDENT
de Mets, à l'encontre de l'Euesque de
Verdun.

VEu par nous Michel Charpentier
Conseiller du Roy en ses Conseils
d'Estat & Priué, & President pour sa Ma-
jestéés villes, pays, & Gouuernement de
Mets, Toul, & Verdun : Les lettres de
commission de S. M. du 20. Ianuier der-
nier, signees Louys, & plus bas Potier, &
seellees du grand sceau, Par lesquelles il
nous est mandé de nous transporter en la-
dite ville de Verdun, incontinent & le
plus diligemment que faire se pourra,
pour en vertu de nostre Commission &
pouuoir ordinaire, & de celuy qui nous
est expressement attribué par ladite Com-
mission, proceder au Iugement de l'appel

comme d'abus, interjetté par le Procureur du Roy audit Verdun, des pretendus Monitoire & Excommunication publiques & affichees en ladite ville de Verdun pendant le mois de Ianuier dernier, laquelle Requête à nous presentee par le Substitut dudit Procureur du Roy le 14. Ianuier du present mois, par laquelle il nous auroit remonstré qu'iceluy Procureur du Roy & luy son Substitut auroient interjetté appel comme d'abus, & dont encor' ils appellent desdits pretendus Monitoire & Excommunication, signee François de Lorraine, publiques & affichees en ladite ville de Verdun les 1. & 3. iour de Ianuier dernier, pour estre lesdits pretendus Monitoire & Excommunication remplis d'impostures & faux faicts tendants à scandale, sedition, rebellion, & à esmouuoir le peuple au preiudice de l'autorité du Roy, repos & tranquillité publique, & à ceste fin requis nos lettres de Commission pour faire adjourner & in-

timer ledit François de Lorraine Euef-
 que de Verdun, & tous autres qu'il appar-
 tiendra pour proceder sur ledit appel
 comme d'abus, & respondre à toutes fins
 & conclusions qu'il entend prendre pour
 raison de ces Circonstances & dependan-
 ces, nostre Commission dudit iour 4.
 du present mois ausdites fins, l'exploict
 desdicts iour & an de Girardin Huissier
 Royal audit Verdun, portant la significa-
 tion de ladite Commission, & adiourne-
 ment donné audit François de Lorraine
 au Lundy 8. desdits mois & an, huiet heu-
 res du matin, en la Salle de la Maison du
 Roy audit Verdun, deffaut dudit iour 8.
 Feurier par nous donné audit Procureur
 du Roy audit Verdun, & requérant à
 l'encontre dudit François de Lorraine
 Euefque de Verdun non comparant, ny
 autre pour luy, par vertu duquel aurions
 ordonné qu'iceluy François de Lorraine
 seroit readiourné au 12. dudit present
 mois huiet heures du matin en ladite salle

de la Maison du Roy audit Verdun, pour voir adiuger le profit dudit deffaut & faire droict sur les Conclusions prises & à prendre par ledit Procureur general du Roy, & intimation à peine d'exploict. Autre Commission dudit iour 8. du present mois, en execution d'iceluy deffaut. L'exploict desdits iour & an, signé Estienne Huissier Royal, de la signification d'icelle Commission, & readiournement donné audit François de Lorraine, Euesque de Verdun, en consequence d'icelles, deffaut pur & simple dudit iour 12. de ce mois par nous donné audit Procureur general du Roy, à l'encontre dudit François de Lorraine non comparant ny autre pour luy, par vertu duquel, & de l'aduis des Conseillers du Roy & autres Assesseurs graduez, nous assistans au nombre porté par les Ordonnances & Reglements; Auriôs ordonné que ledit Procureur general du Roy plaideroit presentement, pour luy estre fait droict ainsi que

deraison, & à l'instant ledit Procureur
 general du Roy ayant plaidé & conclud
 audit appel comme d'abus, comme aussi
 sur vn autre appel comme d'abus par luy
 interjeté en son plaidoyé, touchant la
 pretendue vnion del'Abbaye de S. Van-
 nes à l'euesché dudit Verdun, mention-
 nez audit pretendu Monitoire; Aurions
 ordonné que ledit Procureur general du
 Roy mettroit par deuers nous ses Con-
 clusions definitiues & autres pieces par
 luy representees en plaidant, pour en estre
 presentemét deliberé audit Conseil. Veu
 aussi lescrites pieces à nous representees
 par ledit Procureur general du Roy. A
 lçauoir lescrits pretendus Monitoire &
 excommunication des dernier iour de
 l'an 1626. & 12. Ianuier de la presente an-
 nee, les Arrests des 1. & 3. iours de Ianuier
 dernier, par lesquels il a esté ordonné que
 lescrits pretendus Monitoire & Excom-
 munication seroiét leuez & ostez, exploit
 de la leuee desdits pretendus Monitoire

& EXCOMMUNICATION, l'extraict de ce qui
s'est trouué escrit au bas d'un Tableau ap-
posé en l'annee 1582. en vn piller de la
Nef de l'Eglise Cathedrale dudit Ver-
dun, par le Chapitre de ladite Eglise, en
l'honneur & memoire des deffuncts sieurs
de Losse, pere & fils, Gouverneurs & Lieu-
tenants generaux audit Verdun, par les-
quelles ledit sieur de Losse fils est qualifié
Gouverneur de la Citadelle dudit Ver-
dun; Nostre procez verbal des 1. 3. 4. 5. 6.
7. 9. 10. 11. & 12. dudit present mois, de ce
qui s'est fait & passé audit Verdun, en ex-
ecution de nostredite Commission, lesdi-
tes conclusions definitiues dudit Procureur
general du Roy, & tout consideré, &
de l'aduis desdits Conseillers du Roy &
Assesseurs. Nous auons dit, difons, lesdits
deffauts auoir esté bien & deuément ob-
tenus, & adiugeans le profit d'iceux, &
faisant droit sur ledit appel cōme d'abus,
qu'il a esté mal, nullemēt & abusiuement
decerné par ledit François de Lorraine
Euesque

Euesque de Verdun, publié & affiché, & executé par son Ordonnâce, bien appellé par ledit Procureur general. Auons cessé & reuocé, & annullé les actes desdits pretendus Monitoire & Excommunication signez François de Lorraine, comme abusifs, scandaleux, remplis d'impostures, & faux faits, preiudiciables à l'autorité du Roy, repos & tranquillité publique. Et ordonné que lesdits actes desdits pretendus Monitoire & Excommunication seront lacrez & bruslez en la place publique de ceste ville par l'executeur de la haute Iustice, & que si desdits actes il se trouue quelque chose d'escrit, & mis és registres & greffe dudit Euesché, il en sera tiré & osté, & tellement rayé & biffé que rien n'en puisse paroistre, ou estre leu à l'aduenir. Auons fait & faisons inhibitions tres-expresses, & deffenses à toutes personnes de quelque qualité & condition qu'ils soient, de retenir aucunes copies desdits actes desdits pretendus Monitoire & Ex-

communication, ains leur enjoignons de les apporter pardeuant nous 24. heures apres la prononciation dudit Arrest pour estre supprimez : mesmes à tous Curez, Vicaires & autres Ecclesiastiques de les recevoir publier ou souffrir publier, sous peine d'estre punis comme criminels de leze Majesté, & pour reparation d'un tel attentat commis par iceluy François de Lorraine euesque de Verdun, Ordonné qu'il sera mené sous bonne & seure garde en la ville de Paris en la Bastille pour satisfaire S. M. & iusques à ce, le reuenu de tous ses benefices & autres biens mis sous la main du Roy & regis par Commissaire, comme aussi tous les Offices du temporel de l'euesche & Comté dudit Verdun, & autres benefices seront exercez sous la main du Roy selon la forme qui sera par nous ordonnee, & condamnons ledit François de Lorraine euesque dudit Verdun à cent mil liures d'amande enuers S. M. Ordonnons qu'à la diligence dudit

Procureur general du Roy il sera plus amplement informé contre les complices, fauteurs & adherans audit attentat, pour estre procedé extraordinairement contre eux selon la rigueur des Ordonnances, comme perturbateurs du repos public. Auons receu & receuons ledit Procureur general appellant comme d'abus de ladite pretenduë vnion de l'Abbaye de S. Vannes audit Euesché, & à sa diligence sera ledit François de Lorraine Euesque de Verdun adiourné au premier iour pour proceder sur ledit appel ainsi qu'il appar- tiendra, signé M. Charpentier. Pronon- cé ce iourd'huy 13. Feurier 1627. à l'heure de midy en ladite Salle de la Maison du Roy, par moy Greffier en ceste partie soubs-signé, & ledit iour & an 4. heures de releuee ledit present Arrest a esté leu & publié par moy Greffier susdit en la place del'estrapade dudit Verdun, & executé en ce qui concerne la laceration & brusle- ment desdits pretendus Monitoire & ex-

communication signez François de Lorraine, mentionnez audit Arrest, & coppie d'iceluy Arrest a esté affichee par les Carrefours de ceste ville, à fin que personne n'en pretende cause d'ignorance.

Signé Compagnor.

*Prevenu Monitoire & Excommunication
de l'Euesque de Verdun.*

FRançois de Lorraine, par la grace de Dieu & du S. Siege Apostolique Euesque & Côte de Verdun, Prince du S. Empire. A tous ceux qui ces presentes verront, Salut. Comme ainsi soit que nostre cœur soit saisi d'une iuste apprehension du courroux de Dieu tout puissant, veu que nous venons à considerer les grandes entreprises & changemens qu'il a permis estre faits depuis peu de temps en nostre Cité de Verdun, contre & au preiudice du bien, libertez, priuileges, droits & immunittez

Ecclesiastiques, par occupation des maisons Religieuses ou dependances d'icelles, tant en Iurisdiction, censiuës, rentes, redeuances & domaine; Si est-ce que ceste apprehension nous afflige encore d'autant plus que nous les voyons de iour à autre à nostre grand regret continuer, croistre & multiplier à nos yeux, sans que nos diligences & oppositions nous ayent peu iusques à present garantir des effects de semblable nouueauté, partie desquelles a desia occasionné quelques Religieux se retirer hors de leurs Conuents, autres tellement retranchez dans leur Cloistre & Cellules par le retranchement de leurs aïssances & necessitez, qu'ils n'attendent que la ruine totale de leurs maisons & iurisdiction, vnis inseparablement à nostre Euesché & Comté, si par les moyens ordinaires & autorité Ecclesiastique que Dieu nous a mis en main, nous ne taschions selon le deub de nostre charge, à l'acquit & repos de nostre conscience fai-

re reparer les pertes & dommages causez si notoirement par telles entreprises, & conseruer inuiolablement en son entier ce qui reste des ja destiné, vouié & affecté aux ruines prochaines. SçA VOIR faisons à tous, que craignans irriter l'ire de Dieu contre nous de qui nous tenós en depest la Iurisdiction Ecclesiastique, si nous ne nous mettons en deuoir d'apporter les remedes conuenables selon les Ordonnances, Satuts & pratique de son Eglise, à toutes semblables entreprises faites & à faire au preiudice de l'autorité d'icelle. Pour ces causes & autres tres-iustes considerations, de nostre autorité ordinaire. Nous admonestons vne fois, deux fois, trois fois, tous & chacuns lesquels ont entrepris sur les biens, bastiments, droits, iurisdiction, rentes, & reuenus des Eglises, Conuents & Monasteres de ceste nostre Cité, sur peine d'excommunication à encourir de mesme fait, qu'ils cessent & fassent cesser les troubles & empeschemens

susdits dedans l'espace de six sepmaines
 apres la notice des presentes, desquelles
 six sepmaines nous leur assignons les deux
 point le premier, deux pour le second, &
 les deux autres pour le troisieme terme
 peremptoire & Monitió Canonique. En
 outre, de reparer, ou faire reparer lesdites
 entreprises, sur la mesme peine d'Excom-
 munication à encourir de mesme fait dás
 six mois; Nous nous assignons deux pour
 le premier, deux pour le second, & les au-
 tres deux pour le troisieme terme perem-
 ptoire & Monition Canonique, en leur
 faisant, & à tous autres qu'il appartiendra
 inhibition & deffenses sur la mesme pei-
 ne d'Excommunication que nous iettons
 dés à present comme pour lors contre les
 contreuenans, d'entreprendre aucun met
 sur lesdites Eglises, bastiments, rentes, re-
 uenus, & Iurisdiction, & de donner au-
 cun conseil, ayde & faueur, publiquement
 ny en cachette, directemeat, ou indirecte-
 ment au preiudice desdites Eglises, Mona-

steres, bastiments ou Iurisdiccions, & des
 presentes inhibitions & deffenses, en foy
 dequoy nous auons signé les presentes, &
 y fait apposer en placard le seel de nos
 Armes. En nostre Cité de Verdun le der-
 nier del'an 1626. Ainsi signé,

FRANÇOIS DE LORRAINE.

